



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2018. GODINU NOVE ALTERNATIVE-STRANKE RADA I RAZVOJA BIH

Broj: 03-07-6-275/19
Sarajevo, 06.04.2020. godine

SADRŽAJ

| | |
|---|---|
| MIŠLJENJE REVIZORA..... | 3 |
| 1. UVOD..... | 4 |
| 2. PREDSTAVLJANJE POLITIČKE STRANKE..... | 4 |
| 3. OPIS PREGLEDA I KONTROLE FINANSIJSKOG IZVJEŠTAJA | 4 |
| Predmet pregleda i kontrole | 4 |
| Cilj pregleda i kontrole | 4 |
| Obim pregleda i kontrole | 5 |
| 4. PRETHODNE KONTROLE I REVIZIJE..... | 5 |
| 5. NALAZI..... | 5 |

MIŠLJENJE REVIZORA

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Nove Alternative – Stranke rada i razvoja BiH za 2018. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2018. godinu Nove Alternative – Stranke rada i razvoja BiH, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Nove Alternative – Stranke rada i razvoja BiH za 2018. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2018. godinu, Nova Alternativa – Stranka rada i razvoja BiH nije ostvarila prihode, što se vidi iz naredne tabele:

| R/B | Izvori finansiranja | Iznos (KM) | Struktura (%) |
|-----------|--|-------------|---------------|
| 1. | Članarina | 0,00 | |
| 2. | Prilozi fizičkih lica (3-a) | 0,00 | |
| 3. | Prilozi pravnih lica (3-b) | 0,00 | |
| 4. | Prihodi od imovine (3-c) | 0,00 | |
| 5. | Prihodi od dobiti preduzeća u vlasništvu političke stranke (3-d) | 0,00 | |
| 6. | Prihodi od poklona (3-e) | 0,00 | |
| 7. | Prihodi iz budžeta (3-f) | 0,00 | |
| 8. | Prihodi od propagande (3-g) | 0,00 | |
| I | Ukupni prihodi (1-8) | 0,00 | |
| II | Ostali prihodi i drugo | 0,00 | |
| | Izvori finansiranja (I+II) | 0,00 | |

U godišnjem finansijskom izvještaju stranka nije iskazala rashode.

2. PREDSTAVLJANJE POLITIČKE STRANKE

Naziv političke stranke: Nova Alternativa – Stranka rada i razvoja BiH. Skraćeni naziv stranke je Nova Alternativa.

Nova Alternativa – Stranka rada i razvoja BiH registrovana je kod Općinskog suda u Sarajevu, rješenjem broj: 065-0-F1-14-000010 od 14.10.2014. godine.

Sjedište političke stranke je u Sarajevu, Branilaca Sarajeva 39/I.

Lice ovlašteno za zastupanje stranke je Edin Hadžić, predsjednik.

Lice ovlašteno za podnošenje finansijskih izvještaja za 2018. godinu je Senaida Hadžić.

Prema podacima iz godišnjeg finansijskog izvještaja za 2018. godinu stranka nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Nove Alternative – Stranke rada i razvoja BiH za 2018. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja

navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Nove Alternative – Stranke rada i razvoja BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Pregled i kontrola godišnjih finansijskih izvještaja Nove Alternative – Stranke rada i razvoja BiH obavljala se u periodu od 2014. do 2017. godine.

Nakon izvršenog pregleda godišnjeg finansijskog izvještaja stranke za 2017. godinu, nismo zapazili ništa značajno što bi ukazalo na finansiranje ove političke stranke suprotno odredbama Zakona o finansiranju političkih stranaka.

5. NALAZI

Na osnovu obavljenog pregleda godišnjeg finansijskog izvještaja Nove Alternative – Stranke rada i razvoja BiH za 2018. godinu, kao i korištenjem dokaza iz drugih izvora, prvenstveno Izvještaja o transakcijskim računima iz Jedinственog registra Centralne banke BiH i podataka svih nivoa vlasti u BiH o finansiranju političkih stranaka iz budžeta, nismo zapazili ništa značajno što bi ukazalo na finansiranje ove političke stranke suprotno odredbama Zakona o finansiranju političkih stranaka.

Uvidom u izvještaj o transakcijskim računima iz Jedinственog registra Centralne banke Bosne i Hercegovine, utvrđeno je da je transakcijski račun stranke broj: 1020290000024404 otvoren kod Union banke ugašen dana 23.05.2016. godine. Takođe, u finansijskom izvještaju za 2018. godinu nisu iskazani prihodi i rashodi, niti drugi podaci koji bi ukazivali na finansijske aktivnosti političke stranke.

KOMENTAR

Politička stranka Nova Alternativa – Stranka rada i razvoja BiH nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2018. godinu.

Šef Odsjeka za revizijske poslove

Sanja Tošović

Pomoćnik revizora

Anela Burdžović Kapić

Šef Službe za reviziju

Mr.sc Hasida Gušić